

Grad Novi Pazar

Skupština grada

Odbornička grupa SDA Sandžaka

Novi Pazar

15. maj 2021. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O PREDUZIMANJU MJERA U CILJU REALIZACIJE ODLUKE O ORGANIZACIJI I FUNKCIONISANJU CIVILNE ZAŠTITE I STRUKTURI JEDINICA CIVILNE ZAŠTITE NA TERITORIJI GRADA NOVOG PAZARA** sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja je zakazana za 17. maj 2021. godine.

Predsjednik odborničke grupe

Ahmedin Škrijelj

PRIJEDLOG

Na osnovu člana 32. stav 1. tačka 20) Zakona o lokalnoj samoupravi, („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1. tačka 23), člana 46. stav 1. tačka 16), člana 147. Statuta grada Novog Pazara („Službeni list grada Novog Pazara“, br. 10/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 17. maja 2021. godine, donosi

O D L U K E

o preduzimanju mjera u cilju realizacije Odluke o organizaciji i funkcionisanju civilne zaštite i strukturi jedinica civilne zaštite na teritoriji grada Novog Pazara

Član 1.

Obavezuju se Gradonačelnik i Gradsko vijeće grada Novog Pazara da, u skladu sa Odlukom o organizaciji i funkcionisanju i strukturi jedinica civilne zaštite na teritoriji grada Novog Pazara broj 82-2/19 od 11. marta 2019. godine („Službeni list grada Novog Pazara“, broj 02-19), imenuju načelnika i štab civilne zaštite za Grad novi Pazar.

Član 2.

Obavezuju se Gradonačelnik i Gradsko vijeće grada Novog Pazara da, u roku od 30 dana od dana objavljivanja ove odluke, izvijeste Skupštinu grada Novog Pazara u preduzetim mjerama.

Član 3.

Ovu Odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, _____. _____. 2020. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke sadržan je u:

- članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- članovima 15. stav 1. tačka 23), 46. stav 1. tačka 16) i 147. Statuta grada Novog Pazara („Službeni list grada Novog Pazara“, br. 10/19); kao i
- članu 137. Poslovnika Skupštine grada Novog Pazara („Službeni list grada Novog Pazara“, broj 6/19),

Razlozi za donošenje odluke:

Odluka o organizaciji i funkcionisanju i strukturi jedinica civilne zaštite na teritoriji grada Novog Pazara broj 82-2/19 donijeta od strane Skuptine grada Novog Pazara 11. marta 2019. godine do danas nije realizovana.

Pitanje koje se reguliše i uređuje ovom odlukom od izuzetne je važnosti za sistem sigurnosti građana Novog Pazara i njeno dalje nesprovođenje može da ima negativne posledice po živote i bezbjednost građana Novog Pazara.

Civilna zaštita predstavlja jedan od stubova bezbjednosti u gradu i jedini je mehanizam kojim lokalna samouprava raspolaže kada je u pitanju sistema zaštite i spasavanja građana, materijalnih i kulturnih dobara, životne sredine i životinja od elementarnih nepogoda, tehničko – tehnoloških nesreća, zaraza, udesa, svih vrsta katastrofa, ratnih i drugih nesreća kao i zaštitu od svake vrste iznenađenja.

Realizacijom ove odluke stiču se uslovi da se na teritoriji grada Novog Pazara uspostavi sistem zaštite i spasavanja, ispune zakonske obaveze koje lokalna samouprava ima ali i pokazuje odgovornost i briga za živote i zdravlje ljudi.

Neusvajanje ove odluke proizvodi štetne posledice po živote građana, dovodi ih u stanje opšte nesigurnosti i prepušta samima sebi.

Grad Novi Pazar je dužan da se brine o svojim građanima i svrha donošenja ovog akta predstavlja odraz svesnosti o toj velikoj obavezi i odgovornosti koju Grad Novi Pazar nosi.

Objašnjenje pojedinačnih rješenja propisanih odlukom:

Član 1: Utvrđen je predmet odluke.

Član 2: Utvrđene je rok za realizaciju ove odluke.

Član 3: Propisana je obaveza objavljivanja u “Službenom listu grada Novog Pazara”.

Finansijska sredstva za realizaciju odluke:

Finansijska sredstva za realizaciju ove odluke nisu potrebna.